

## TIMÓTEO BEAPTUP PAULO EMUDUPMUBARARAKTUP XEPXEPATUP

<sup>1</sup> Timóteo, cartadup mubarararağ òn ewebe kato mujuaptum. Òn Paulo. Jesus Cristo emumuju òn Deus a'òbi. — “Jesus Cristo eju mūğ'i eyju jekukum pima, soat em Deus xe epesop eyetait,” i juy ece ijodiacat pe — i juk o'e Jesus Cristo owebe.

<sup>2</sup> Timóteo, ên okpot co'i. Ekukpin cĩcã oxe. Deus wuyebayat. Jesus Cristo wuykukukat. Deus eju òn kawēnwēn ewebeam.

— Xipan cuy Timóteo ejukuk — i òn e'em cebe. — Etabotaidabotbon cuy eğuy cekay — i òn e'em cebe. — Ixe ağuy mubabibin cuy eğuy — i òn e'em cebe.

<sup>3</sup> — Bay, ên xipat cĩcã — i òn e'em Deus pe. Warara'acat a'ò dağ ģu òn jekukum—ixe a'ò dağ acã. Wedobuyũ'ũm'ũm tak ixe a'ò dağ jekuku'uk ip osodop. Ocokcok ixe kay soat apēn cedağ oxe iap tağ òn jekukum puye. Ixe eju òn kawēnwēn ewebeam soat em. Kabiam òn kawēnwēn ceweju, ixima dağ tak. <sup>4</sup> Ğebum cĩcã òn ekay. Exewi ojēm puje etōn iap kay ģebum òn. Ejo pin cĩcã òn waram ocokcok am. <sup>5</sup> Ğebum òn apēn etabut Jesus Cristo kay iap kay. Jewexe ģu etabut cekay—icēmãn. Koap pima eawa Lóide itabut osunuy cekay. Exi Eunice dak itabut osunuy cekay. Ixeyũ buxim ên tak etabut cekay. Wetaybit cĩcã iboam. <sup>6</sup> Imēnpuye òn jeãwē. Itbucayũ kukukan emuy buje, juk ocewebumōğ abi jeje. Deus cuk ja'òbacaap o'jomōğ ewebe. Ğebum cuy eğuy iboap kay. Ixe a'òbacaam cuy ejeku. <sup>7</sup> Deus jebiōğbuk muōmōm wuywebe. Ixe

biõgbuk wuymuparararan ãu—wuya'õmucanucan acã. Deus ja'õbacaap ãmũm wuywebe. Ya'õbacaap kuã pima xipan kuka warara'acayũ ajukuk. Jewãwẽwẽm tak ajop ikẽreat muãeap puxim.

<sup>8</sup> Itabut'ũmayũ odaomũn wuykukukat ekawẽn oãuwẽnuwẽn puye. Inaka esũsũn ãu juy eãuy obuxim, daomũnmũnap'a be ma'ãu õn. Ebisũsũn ãu dak cuy eãuy wuykukukat ekawẽn muwẽn ãm warara'acayũ be. Owebe ipiat'ajojoap puxim ipiat supi'ajo an ip ewebe ãn ixekawẽn muwẽnnuwẽn puye. Ebu'um ãu juy eãuy imuwẽn ãm ipiatpi'ajojom ma'ãu. Deus ja'õbacaap je'ãũm ewebe. <sup>9</sup> Ixe Deus kuy wuydaxijo. Ixe kuy wuynaẽ jebekitkiyũm. Ixe kuy wuynaẽ xipacat aãuãããã buye ãu—ixekawẽn muwẽnnuwẽn puye acã, ixexewuykukpin puyedak.

— Xipacat oãũm soat pe Jesus Cristo kay itabucayũ be — i juk o'e Deus jewebe ma.

Imẽn cuk o'e jewebe ma ka'ũmãu ipi bimãn ma. <sup>10</sup> Ixe xipacat ãm pin osunuy soat pe iam wuyetaybit ãu juk adi ajop. ãasũ bit wuyetaybit ace. Wuyetaybit ace wuydaxijojo'ukat oajẽm puye. Jesus Cristo kuy oajẽm. Ixe Jesus Cristo xipacat ãmũm wuywebe. Ixe ce'ũ osunuy. Inaka waram ãuto o'jetait. Ixe wuye'ũ'ũap a'õbacaap o'ãu'ũm. Kawẽn idipat muwẽnnuwẽn cuk adi oekuku.

— Soat em eyetait epesop Deus xeye'ũap tomukadi — i juk adi o'e'e wuywebe.

Imẽnpuye Jesus Cristo kay wuyetabut pima, wuypararam ãu wuye'ũap puxim.

<sup>11</sup> Deus cuk onaẽ jemumujum.

— Wa'õbi juy kawẽn idipat muwẽnnuwẽn eãuy — i juk o'e owebe. — Itabucayũ mutaybitbin cuy eãuy — i juk o'e owebe.

<sup>12</sup> Itabut'ũmayũ ipiatpi'ajojoan owebe, õn kawẽn idipat muwẽnnuwẽn puye. Obu'u ãu ma'ãu oãuy wetabut am

Jesus kay. Wetabut cuk adi oğuy cekay. Ğasū dak wetabut ma cekay, wetaybit cīcā ixem puye. Wetaybit soat podi ma ixē ya'ōbaca iam. Soat oğūm cebe iap muxipanpan jeenuy jajēmap kabia wiwim pima. <sup>13</sup> Kawēn icēmān cuk adi ōn emutaybitbin. Iboap ekawēn tağ cuy ejeku. Wekukuap puxim cuy ejeku. Etibun cīcā juy eğuy Jesus Cristo kay. Xipan cuy warara'acayū ejukuk. Imēn cuy ajeku Jesus Cristo eju mūğ'i wuyju jekukum pima. <sup>14</sup> Kawēn idipāt o'ğuwēn ip ewebe kuy bima. Ğebum cuy eğuy iboap ekawēn kay. Ibiōğbuk xipacat omuy wuywebe—Deus biōğbuk. Ixe biōğbuk wuybuywatwan ixē ekawēn kay ğebum am.

<sup>15</sup> Ade Ásia eipi watwat'in cuk opere iap awēğ kuy eyawēğtobuxik. Fígelo ma ixeyū'in osunuy, Hermógenes tak. <sup>16</sup> Onesíforo bit obuywatwat'uk osunuy.

— Xipan cīcā juy Onesíforo ejukuk, ibadipyū dak — i ōn e'em wuykukukat pe.

Ixe isūsūn ğu osunuy jajēm ām daomūnmūnap'a be ojo am. Pūğ em ğu ixē Onesíforo omucokcokcoğ—ade em ma. <sup>17</sup> Roma ka be jajēm'isum okudadam oeku. Odobuxik puje acā oibu'un okudadam. <sup>18</sup> Etaybit Éfeso ka be bima soat em ixē obuywatwat'uk osunuy iam. Imēneju:

— Wetabotaidabotbon cuy oğuy ekay kūyjobit'ūmayū be ipiat'ajoap kabia be iam cuy Onesíforo eğutaybin — i ōn e'em wuykukukat pe.

## 2

<sup>1</sup> Timóteo, ěn okpot co'i. Deus soat em xipan wuykuğ Jesus Cristo eju mūğ'i wuyju jekukum puye. Imēnpuye a'ōbacaam cuy eğuy! <sup>2</sup> Adeayū mutaybitbin cuk adi oğuy—emutaybitbin tak. ěn pukto iboam cuy cūğ ma jekuku'ukayū mutaybitbin eğuy ixeyū be warara'acayū mutaybin am.

<sup>3</sup> Ade itabucayũ ipiatpi'ajojom. Ĕn tak sorara buxim ebu'um ġu juy eġuy ipiatpi'ajo am. Jesus Cristo esoraram cuy eġuy. Sorara buxim ixē a'ō kay acã juy kũyjobin eġuy. <sup>4</sup> Nopaġōġōm pima jeduk'a beat co'i'ũmġu jekukum sorarayũ. Ja'ōbi ġu ip jekukum—jekukukat a'ōbi acã. Imēnpuxim Jesus Cristo a'ōbi acã ejeku. <sup>5</sup> Cedaġ ma o'jedau bima acã kuka o'jat jedauaptei warara'acat podi ma iwũncaat. Cedaġ'ũm o'jedau bima bit, kuka o'jat ġu. Imēnpuxim Ĕn tak cuy cedaġ ma ejeku. <sup>6</sup> Ku be ibukapik cĩcãat cuy koam jexat'am yabu. Imēnpuxim Ĕn tak cuy ecekapik cĩcã Jesus Cristo beam. <sup>7</sup> Timóteo, ġebum cuy eġuy wekawēn kay. Wuykukukat cuy jemutaybin apēġape wekawēn iam.

<sup>8</sup> ġebum cuy eġuy Jesus Cristo kay. Deus ixē Jesus Cristo o'ġutait ce'ũap tomukadi. O'ġuyu kabi kay. Davi naxeġebit o'ġuyu. Iboap cuk adi oġuwēnuwēn kawēn idipat muwēnuwēn pima. <sup>9</sup> Itabut'ũmayũ juk adi ipiat o'supi'ajojoat owebe, kawēn idipat oġuwēnuwēn puye. Ikērēat mujurũġrũġ'ukat puxim ip odaomũn owebe kawēn idipat muwēġap puxim. Imēnpit iba'ore cebe ip kawēn idipat muwēġap mu'ũm ãm. Kawēn idipat muwēnuwēnap i'ũm ġu. <sup>10</sup> Imēneju wetaxi jĩjã ipiatpi'ajo am Deus emunaēhēyũ be kawēn idipat a'ĩjo am. Wetaxi jĩjã ixeyũ mutabut am Jesus Cristo kay. Deus ixeyũ dak idaxijo wuydaxijoap co'i. Deus dipap kuġ jeedop ip. Ixeyũ dak Deus xe jeedop wuyweju. Soat em wuyetait acesop cexe. <sup>11</sup> Apēn cuk adi oġuwēnuwēn ewebe iap waram ġuto oġuwēn ewebe ġasũ dak. Iboap ekawēn icēmãn.

Wuybu'u'ũm pima wuye'ũ ãm Cristo bikuyap taġ wuyekuap ojuy, ixē xe acesop wuyetait, i.

<sup>12</sup> Ipiatpi'ajo am wuyetaxi bima, ijodiacat kukukayũm acesop Cristo eju, i.

“Ŕn pit Cristo ebekit ġu,” i wuyju e'em pima, “Eyju dak

webekitkiyũ ġu,” i je'e wuywebe ixek dak, i.

<sup>13</sup> Wuyju ixek ekawēn epereperem. Cristo bit ja'õmuwarururun ġu. Ixek soat em e'em apēn cuk adi o'e'e iap taġ, i.

<sup>14</sup> Owebe awēwēap cuy eġuwēn ebekitkiyũ be ġebum ip top am. Eġutaybitbin cuy ip.

— “Epeyewa'õxikxik ġu juy,” i õn e'em eywebe Deus topabe — i juy ece cebe ip.

Jewa'õxikxiġ pima ip ya'ĩjojmayũ buywatwan ġu ip—ixeyũ mubu'u'un acā jetabut am Jesus Cristo kay.

<sup>15</sup> Soan ma ece Deus pe “Cũġ ma ēn jekukum oxek” i'e am ewebe. Cũġ ma juy kapikpiġ eġuy esūsūnap puxim Deus pe ekapikap coan. Kawēn icēmat cuy eġutaybitbin—Deus ekawēn. <sup>16</sup> Te'e ma jewa'õxikxiġ ip adeayũ. Deus pit cekawēn kay ġu ip. Ixeyũ ekawēn coco'ukayũ biġ ma Deus kay ġu e'em. Jawa'õxikxiġ ġu juy eġuy ixeyũ eju. <sup>17</sup> Ot'ũ'ũ wuyēn mu'ũmu'ũm. Imēnpuxim ixeyũ wuymutaybitbin pima wuyetabucap kuka o'ġu'Ūm ip. Wuyumbu'un kuka ip Cristo kay wuyetabut am. Himeneu ixeyũ'in Fileto dak. <sup>18</sup> Pũġpũġ itabucayũ'in ixeyũ ekawēn kay itabut o'e. Imēnpuyek oibu'un ip Jesus kay. Jetabucap o'jepere ip e bewi itabidaoat puxim.

— Deus kuy itabucayũ'ũm'ũm o'ġuyukabi kay — i napa ma e'em ip itabucayũ be. — Wuyiwat xeku — i napa ma e'em ip.

Imēn ip itabucayũ mu'ukpiceġēġēn Jesus kay. <sup>19</sup> Wuyju bit acejepere ġu wuyetabucap, kawēn cūġat kay wuyetabut puyek. Cem ma uk'a muy bujek, ya'at'et ġu. Imēnpuxim kawēn cūġat kay wuyetabun pujek, acejere ġu dak. Deus ebekitkiyũ wuyju. Imēn e'em Deus ekawēntup:

Wuykukukat itaybit abuyũ webekitkiyũ iam, i.  
Wara'atup e'em:

“Deus ebekit òn” i'e'e'ukat ikêrêat mujurũgrũgãp cuy jepere, i dak e'em Deus ekawêntup.

<sup>20</sup> Ya'ade opop ibubut mũn'a'a yabo'gat'a be—ibubut adeat tuk'a be. Ouro muğêğê'a opop, prata muğêğê'a dak, ip muğêğê'a dak, wuynõm muğêğê'a dak. Pũğpũğ'a kuğ ip soat kabia. Wara'at'a kuğ pit ip xipacat ebapuk puje acã, ya'õbuyxiat ajẽm puje acã. <sup>21</sup> Ikêrêat mujurũgrũgãp epere buje wuyju dak xipat acesop wuykukukat Jesus xe.

— Obuywatwan cuy eğuy, xipat ên oxe buye — i je'e wuywebe. — Ocokcok cĩcã ekay — i je'e wuywebe, wuyağuyisu buye, ikêrêat mujurũgrũgãp kuy acepere buye dak.

<sup>22</sup> Yaypan'isuayũ etabikukuap kay ğu juy eğuy. Cũğ ma juy ejeku Deus etabutpe. Etahun cuy eğuy Jesus Cristo kay. Ikukpin cuy soat ejukuk. Kaba'ũm cuy eğuy warara'acat eju. Imẽn ma jekukum ip— “Ocekukukat, ocebuywatwan cuy eğuy” i'e'e'ukayũ—Deus emumisunyũ. <sup>23</sup> Ecekawẽn ğu juy jewa'õdawutwut'ukayũ eju, warẽmtağ ma kawẽnwẽn'ukayũ eju dak. Jawa'õxixiğ acã ip. <sup>24</sup> Wuykukukat buywatwat'ukat pit jewa'õxixiğ ğu juy. Xipan cuy soat jukuk. Xipan ma juy soat mutaybitbin jeenuy. Yukpiceğẽm ğu juy warara'acat jukuk. <sup>25</sup> Wuymuymuy'ukayũ mukũyjobitbin pima, wuya'õpuruğ ğu juy acekawẽn ceweju ip. Ibuyxim cuy ip ajukuk. Ğuyjom paxi Deus ixeyũ ğubu'un ikêrêat kay am. Ixeyũ aco'i ğutabun kawẽn icẽmat kay. <sup>26</sup> Kuy bima ibiõğbuk kêrẽayũ kukukat ixeyũ o'jat puca buap puxim. Ibiõğbuk kêrẽayũ kukukat bikuyap tağ ip jekukum ğasũ. Ğaxĩn ma aco'i ğuto ip yağuyusan. Ibu'un aco'i kuka ip ibiõğbuk kêrẽayũ kukukat a'õ kay nobano'abibubu bewi puca o'kap iat puxim.

## 3

<sup>1</sup> Amap kabia iba'ore jĩjã je'e itabucayũ be Deus ekawẽn tağ jeku am adeayũ ikêrêat ģujurũğrũğ puye. Ğebum cuy eğuy iboap kay. <sup>2</sup> Jewekay acã ģebum jeedop ip ijodiat. Itabikuku jĩjã jeedop ip dinheiro kay.

— Soat podi ma oca'õbuyxi — i je'e ip napa ma. — Ka'ũmğũ ocejo'iat ya'õbuyxiat — i napa ma je'e ip. Warara'acat ekawẽn mukêrêrêrẽn jeedop ip.

— Ĕn xipat cĩcã — i'ũmğũ je'e ip, warara'acat xipacat ũmũm ma'ğũ cebe ip.

Kũyjobit ģu jeedop ip jebay a'õ kay, jexi a'õ kay dak. Ibuyxim ģu ip Deus jukuk. Ixe kay itabucayũ dak jukuk ip ibuyxim ģu. <sup>3</sup> Abu jukuk ikukpin? Ka'ũma ma. Ya'õpuruğ ip soat jukuk. Warara'acat muymuyxi jeedop ip. Jewawêwêm ģu jeedop ip ikêrêat kukap puxim. Dao ma ip etakomamãn. Xipacat kay ģu jĩjã jeedop ip. <sup>4</sup> Jebureyũ tujowat ip cekay itakomaayũ be yaoka am. Warẽmtağ ma jeku ip. Jewexe yoboğ cĩcãayũm jeedop ip. Deus mucocok pin ģu jeedop ip—jewemucocok pin acã.

<sup>5</sup> — Oceju dak Deus ebekitkiyũ — i napa ma je'e ip warara'acat pe.

Inaka itaybit ģu jeedop ip Deus a'õbacaap kuk am. Deus bikuyap tağ ģu jeku ip—jebikuyap tağ acã. Ixeyũ burem ģu juy eğuy, Ĕn pit. <sup>6-7</sup> Ixeyũ'in aoyũ muğuykukukum—yağuy'ũmayũ muğuykukukum. Ixeyũ aoyũ ikêrêat mujurũğrũğ soat em.

— Ikêrêat kuğ oceju — i'e'em ip ixeyũ aoyũ.

Inaka ikêrêat mujurũğrũğap epereperem ģu ip. Iparara ip Deus ipiat supi'ajoat ocewebe iap puxim. Inaka kũyjobit pin ģu ip Deus pe jedaxijoan. Jewexe ip kawẽn icẽmat kudadam. Jewexe jewemutaybitbin ip. Inaka itaybit pa'ore cebe ip kawẽn icẽmãn. Imẽnpuye imuğuykuku'ukayũ õmõm ixeyũ aoyũ duk'a be. Warẽmtağ imutaybitbin ip.

— Ocekawên tağ cuy epeku eyejuap puxim ipiat'ajojoap kay — i'e'em ip cebe ip napa ma.

Imên aoyū muğuykukukum ip kawên icēmat tobuxikap puxim. <sup>8</sup> Moisés kawên icēmat muwēnuwēn'uk osunuy Deus a'ōbi kuyje. Janes Moisés a'ō kayğu jījā osunuy, Jambres tak. Kawên icēmat kay ğu jījā osodop ip. Imēnpuxim ixeyū ağokat kayū warara'acayū muğuykukukum ixeyū be kawên icēmat kayap puxim. Yağuy'ūm ip. Jesus kay jetabucap ip o'jepere. Itabut'ūmat co'i ip Deus xe. <sup>9</sup> Soat em ğu bit ijodiacat ğuğuykuku ip—xepxep kabia ā. Ğuyjom soat ijodiacat je'e cebe ip:

— Ajo am etaybit? Ka'ūma am ma! — i.

Imēnpuxim kuyjeayū'ūm'ūm o'e Janes pe, Jambres pe dak.

<sup>10</sup> Bekit, etaybit cīcā apēn ōn jekukum iam, apēn ōn warara'acat mutaybitbin iam tak, apēn obikuy Deus bikuyap tağ weku am iam tak. Etaybit apēn wetabut Jesus Cristo kay iam, apēn wuypaceğēm ğu ōn warara'acat kuğ iam tak, apēn ikukpin warara'acat kuğ ōn iam tak, apēn wetaxi ipiat'ajo am iam tak. <sup>11</sup> Itabut'ūmayū juk adi ikērēm okuk. Ipiat cuk adi o'supi'ajoat ip owebe. Ikērēm cīcā juk adi ip okuk Antioquia ka be bima, Icônio ka be bima dak, Listra ka be bima dak. Ade em cuk adi ipiat osupi'ajojojo. Wuykukukat Jesus pit odaxijo ixeyū bui bewi. Etaybit iboam. <sup>12</sup> Jesus Cristo eju mūğ'i wuyeku am wuybikuy bima, itabut'ūmayū ipiat supi'ajoat wuywebe, Deus ekawên tağ wuyeku am wuybikuy bima. <sup>13</sup> Biğ ma ip ikērēat ğujurūğ xipāt'ūmayū—warēm tağ ijodiacat mutaybitbin'ukayū. Warara'acat muğuykukukukum ip jeku. Jewemuğuykuku dak ip. <sup>14</sup> Ēn pit apēn ōn cuk adi emutaybitbin iap tağ cuy ejeku—apēn wuybadipyū juk adi emutaybitbin iap tağ tak. Etaybit cīcā icēmān oceju juk adi emutaybitbin iam. Imēnpuye ocekawên kay etabun



cĩcã juy eũy. <sup>15</sup> Bekin pin ma Deus ekawẽntup coco'uk eũy. Etaybit oxe ekawẽn. Ibodup cocom pima wuyetaybit acesop apẽn Deus wuydaxijojom Jesus Cristo kay wuyetabun puje iam. <sup>16</sup> Deus a'õbi kuyjeayũ'ũm'ũm ixe ekawẽntup o'tupmubararak—soatup. Iboaptup ekawẽn xipat cĩcã kawẽn icẽmãn wuymutaybit am. Xipat cĩcã ikẽrẽat mujurũgrũg'ukayũ muũyucũg ãm ikẽrẽat kay. Xipat cĩcã ikẽrẽat mujurũgrũg'ukayũ mubikuy am ikẽrẽat mujurũgrũgap eperere am. Xipat cĩcã itabucayũ mukũyjo am Deus bikuyap tağ jeku am. <sup>17</sup> Ibodupkuğ pima wara'at kay ģu je'e ip itabikuku Deus buywatwat'ukayũ. Soat kuğ kuy ip. Ibodup kuğ pima, iba'ore ģu je'e ixeyũ be xipacat muğẽ ãm—iwarururuat muğẽ ãm.

#### 4

<sup>1</sup> Deus etabun ģasũ õn awẽm, Timóteo, Jesus Cristo etabun tak. Ixe Jesus Cristo apẽn cuk adi oekuku ip iaptei ideida soat pe—itabẽğayũ be, ce'ũ'ũayũ be dak. Ixe Cristo waram jajẽm. Ipiat supi'ajoat ikẽrẽat mujurũgrũg'ukayũ be ikẽrẽat ip o'ğujurũgrũg iapteim. Xipacat pit je'ğũm jebekitkiyũ be—xipacat mujurũgrũg'ukayũ be xipacat ip o'ğujurũgrũg iapteim. <sup>2</sup> Soat kukukan je'e ixeyũ eju—jebekitkiyũ eju. Imẽneju Deus ekawẽn cuy eğuwẽnuwẽn soat pe. Cekawẽn cuy eğuwẽnuwẽn imuwẽn pa'ore ewebe bima, imuwẽn pa'ore'ũm pima dak. Warẽmtağ ma ceku'ibiyũ juy eğukorẽmrẽm.

— Ikẽrẽat mujurũgrũgap cuy epeyepere — i juy ece cebe ip. — Eyetabun cuy Jesus kay — i juy ece cebe ip. Eya'õmucanucan cuy ip ixeyũ be cũğ ma jeku am. Ekpicẽğẽ ģu juy ixeyũ eğutaybitbin. <sup>3</sup> Ģuyjom kawẽn icẽmat com ip ibu'un adeayũ. Jekpiwan ma ip jewemu-cokcoğ. Warẽmtağ ma imutaybitbin'ukayũ tomuwã ip jemutaybit am. Ya'ijo pinap acã ip ģuwẽn cebe ip. <sup>4</sup> Kawẽn

icēmat a'ijojoap jepere ip. Warēmtaḡ e'e'ukayū ekawēn kay acā je'e ip—aypapayū'ūm'ūm ekawēn kay acā. <sup>5</sup> Ēn pit, Timóteo, aḡuysan cuy eḡuy warēmtaḡ ekuap puxim. Etaxim cuy eḡuy ipiatpi'ajojom pima. Kawēn idipat cuy eḡuwēnuwēn soat pe. Deus cuk enaē kapik am cebeam. Imēnpuye soat em cuy ixē beam kapikpiḡ eḡuy.

<sup>6</sup> Ōn pit ḡaxīn ma oaoka ip. Apēn kuyje Deus etabutpe wūnca aokakakaap puxim ip oaoka. Ḣaxīn ma ojēm ijodiwi kobe o'jenapōn iap puxim. <sup>7</sup> Sorara xipacat puxim ōn kapikpiḡ Jesus Cristo beam. Pūḡpūḡ daudau'ukayū'in cedaḡ ḡu jedaudaum ip. Ixeyū buxim ḡu ōn pit. Cedaḡ ma ojekuku—Deus ekawēn taḡ. Pūḡpūḡ ixeyū'in taobu'u e'em ip jedau am. Ixeyū buxim ḡu ōn pit. Obu'u ḡu oḡuy Jesus kay wetabut am. <sup>8</sup> Daudauat iwat tumūntuptup mōḡmōḡ iwūncaat a be soat etabutpe. Soat etabutpe dak wuykukukat Jesus je'e owebe:

— Ēn xipat Deus xe ixē emucūḡ kuy buye — i.

Imēn ixē je'e waram jajēm puje—kūyjobit'ūmayū be ipiat'ajoap kabia be. Wuykukukat cūḡ cīcā. Ixē wuyekukuap cocōm—soat cocōm.

— Eyju xipat Deus xe ixē eymucūḡ kuy buye — i je'e warara'acayū be dak—ixē ajēmap wiwi'ukayū be—jekayayū be.

<sup>9</sup> Bekit, ḡaxīn ma juy ejot ojom. <sup>10</sup> Kuy ip o'jēm oxewi oxē osodop'iayū. Demas itabiku o'e ijodiat kay jebubun. Imēnpuye opere. O'ju Tessalōnica ka kay. Crescente o'ju Galácia eipi kay. Tito o'ju Dalmácia eipi kay. <sup>11</sup> Lucas acā oxē jeenuy. Marcos cuy etakoy. Ixē juy etojot eweju okay don pima. Ixē xipat cīcā je'e obuywat am Deus ekapikap pe. <sup>12</sup> Kuy Tíquico oḡuju Éfeso ka kay. <sup>13</sup> Weekabek cuk osuiwat Trôade ka be. Carpo duk'a be juk osuiwat. Ibo juy etojot don pima. Obubutup tak cuy etuptojot okay ixēmuḡēḡēdup.

<sup>14</sup> Alexandre juk adi ikêrêm cĩcã okuk—icaat muğẽğẽ'ukat—ferro muğẽğẽ'ukat. Wuykukukat cuy ideida cebe warẽmtağ okukapteim. <sup>15</sup> Ixe wuya'õxixikixi jĩjã osunuy. Imẽnpuye eday'em'um cuy eğuy cekay ixè be ikêrêm ekukap puxim.

<sup>16</sup> César ebekitkit wap òn jewedayoyom pima, ka'ũma ma o'e:

— Teku xipat cĩcã—ikêrêat o'ğũğẽ ğũ — i.

Soat ma ip oiwat. Òn pit obu'u Deus pe “Ikêrêat kuğ cĩcã eyju oxe, Palo epesuiwat puye” i'e am cebe ip. Imẽnpuye:

— Bay, etakomãm ğũ juy cekay oiwat ma'ğũ ip — i òn e'em Deus pe.

<sup>17</sup> Ixeyũ ma juk opere. Wuykukukat pit oiwat ğũ. Oxe ma osunuy. Ixe obuywatwat'uk osunuy owebe Judeu'ũmayũ mukũyjo am kawẽn idipan—soat em imukũyjo am. Ixe juk odaxijo leão buximayũ bui bewi—ika'uat puximayũ bui bewi. <sup>18</sup> Wuykukukat odaxijo ikêrêat mujurũğrũğ'ukayũ bui bewi—soat pui bewi waokaap puxim. Ğuyjom odujuu soat em jexe onuy am kabi be. Ixe soat ka watwak kukukan je'e.

— Ën soat podi ma edipap kuğ — i juy ace cebe—wuykukukat pe. Imẽn cuy ace cebe.

<sup>19</sup> Kato i juy ece soat pe—Priscila be, Áquila be dak, Onesíforo badipyũ be dak. <sup>20</sup> Erasto Corinto ka be omuy. Trófimo juk osuiwat Mileto ka be iwãtaxipi buye. <sup>21</sup> Ejot cuy okay ihi wap. Êubolo e'em: — Kato — i juy ewebe, Prudente dak, Lino dak, Cláudia dak, soat warara'acayũ dak—wuykitpitpiyũ.

<sup>22</sup> Òn kawẽnwẽn wuykukukat eju ewebeam.

— Bay, Timóteo a'õmucanucan cuy eğuy soat em — i òn e'em cebe. — Bay, xipan cuy soat itabucayũ ejukuk — i òn e'em Deus pe.

Ibũrũ ma.

Deus ekawẽntup Kawẽn iisuat ekawẽn  
New Testament in Mundurukú (BR:myu:Mundurukú)

copyright © 2010 Wycliffe Bible Translators, Inc.

Language: Mundurukú

Translation by: Wycliffe Bible Translators, Inc.

Mundurukú [myu], Brazil

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mundurukú

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

